

Toe Iloiloina Fesoasoani Tupe Early Childhood Education - Komiti Faufautua i le Kapeneta: Talatalaga

Faailoa mai manatu i auala e faaaoga i ai tupe a le malo mo aoga amata

E fia talatalaina faiga eseese mo fesoasoani tupe mo Aoga Amata (ECE) i Niu Sila.

E iai le manatu e tele isi faiga e faaaoga i ai fesoasoani tupe ECE:

- fesoasoani e tau atiae tulaga tau aoaoga mo tamaiti, ia manuia aoaoga faapena foi le manuia o taumafaiga i le olaga atoa
- fesoasoani i matua ma tagata tausii ia maua galuega, aua o le manuia foi lena o aiga
- maua galuega mo isi o tausii ma vaai tamaiti e faatuputeleina ai foi le tamaoaiga.

Ua tatala avanoa e faailoa atu ai suiga o fuafuaina, ma e faailoa mai aafiaga ia te oe aemaise suiga o e lagolagoina.

Faatomuaga

E \$3.1 piliona le tupe faaalu a le Malo i tausaga taitasi mo aoga amata.

E avea Aoga Amata ma vaega tele o le soifuaga i aso uma mo Tagatanuu Niu Sila:

- E 193,033 tamaiti sa auai i ECE
- E 4,390 aoga amata ua laiseneina
- O faafaigaluega ai le 33,712 faiaoga ma le
- 3,554 sui o faatinoa aoaoga i lotoifale o aiga.

* Tusiga igoa ECE, Iuni 2025

Na tofia e le Afioga David Seymour se Komiti Faufautua i le Kapeneta ia Iuni 2025 e saunia fautuaga tutoatasi e tuuina atu i le malo i faiga e mafai ai na tele galuega aoga e maua mai fesoasoani tupe ua faamatuu atu mo Aoga Amata. Na faaalua e Seymour popolega tetele e fa, i tupe faaalu a le malo mo Aoga Amata:

- Tulaga gafatia ma le maua
- Faiga tutusa ma le sa'o i le va o faiga lautele faatusa i faiga patino e faaaoga i ai fesoasoani tupe
- Lavelave o faiga faavae
- E lē o mafai na maua faamatalaga e iloa tonu ai aafiaga i Aoga Amata

O le faaiuga o le tausaga nei o faamoemoe e tuuina atu ai fautuaga i le Minisita. O le mafuaaga lena e fia faamautu ai aafiaga ma faamautinoa ē tonu e malamalama lelei i le mataupu ma vailili fautuaga aoga. O lea ua fofola atu tulaga na tau i ai saililiga, tiute tauave ma manatu e tusa ai ma suiga o fuafuaina, e fua i ai sou manatu.

Faaletonu

Na faia se feiloaiga i le faaiuga 2025 faasolo mai i le amataga 2026, ma auaunaga, aiga, lotoifale patino, faiaoga ma faalapopotoga o aiaina tulaga tau Aoga Amata. E toatele matua, auaunaga o faafaigaluegaina matua ma faiaoga na auai i le suesuega. E 2,000 ma ona tupu sui na faailoa mai manatu.

Sa talatalaina foi faiga faavae tau fesoasoani tupe mo Aoga Amata, e tusa ai ma faamatalaga ua mafai na maua faapea galuega fou e iloa tonu ai vaega e ono faaleleia.

E tolu faaletonu tetele na maua ai:

- Muamua: e iai aiga o fetaiai ma faaletonu e faigata ai na maua le ituaiga ma le aofaiga o itula mo le fanau. E faigata na auai tamaiti i Aoga Amata ona o le tupe e totogi, avanoa maua, nofoaga ma tulaga e mafai na fetuunai.
- Lua: e avea le faia o suiga i Aoga Amata ma avanoa e faaletonu ai suiga lelei o faatino e Aoga amata mo aiga, aemaise lava mo aiga pito sili na aoga ai.
- Tolu: e lē o atoa faamatalaga e patino i Aoga Amata e iloa ai e le malo ma aiga le taua o aoaoga faapenei mo tamaiti, aiga ma le atunuu atoa.

Vaega e ono suia e tali atu ai i faaletonu nei

Ua faamatalaina i le faamaumauga e faavae i ai talatalaga, faiga o faaaoga i ai fesoasoani tupe mo Aoga Amata ma folasia atu ai vaega e fitu ua manatu e ono maua mai ai suiga lelei.

- o Faamatuu se vaega tele o le fesoasoani tupe ua maua mo tamaiti, aiga ma lotoifale patino e sili atu na moomia le fesoasoani.
- o Sui le faiga o fua i ai totogifuapau ia faigofie mo aiga e lē gafatia na totogi se tupe.
- o Sui le faiga e faaaoga i ai vaega tupe o totogi e le malo mo tamaiti uma i Aoga Amata, e aofia ai le aofaiga o itula o faatupeina mo tamaiti o aoaoina i lotoifale o aiga, e faigofie ai mo matua ma aiga o faigaluega.

- o Faafaigofie le faatulagana o fesoasoani tupe e patino mo faiaoga ma le faatulagana o fesoasoani tupe.
- o Toe iloilo le faiga o faaoga ai fesoasoani tupe e totogi ai aufaigaluega Aoga Amata.
- o Faaleleia tulaga faamalosia mo faamatalaga ma le faiga o lipoti.
- o Sui ma faafaigofie faiga faavae o fua i ai fesoasoani tupe ia fetaui ma tulaga faaonaponei.

E tele foi isi faiga eseese mo vaega taitasi ua folasia atu.

E lē faapea ai o le a fautuaina suiga i vaega uma nei - faatoa faamautu fautuaga pe a maua uma mai manatu faaalua.

Tatala le itulau e maua ai nisi faamatalaga po o le tuuina sa'o mai i le itulau ua saunia.

Taunuuga ma vaega e ono aafia ai

E leai ma se fautuaga a le Komiti e tatau ai na siitia le aofaiga atoa o tupe faaalu a le malo mo Aoga Amata. Mo se faataitaiga, a fautuaina le siitia o tupe faaalu mo le fia faaleleia o se faaletonu, o lona uiga e tatau na faasao tupe i isi vaega o Aoga Amata.

E lē mafai na lē aafia aiga, auaunaga ma tagata faigaluega, pe a taunuu suiga faapenei. E mafai na eseese aafiaga i auaunaga mai suiga eseese.

O faiga o fautuaina le fia suia e aafia ai le siitia o tupe faaalu i nisi o vaega ma auala e ono faasao ai tupe, ma o tulaga tonu lava lena o fia iloa ai sou manatu i tupe faaalu ma tupe faasao.

Fesili autu

O le a sou manatu i:

- Vaega o fuafuaina i ai suiga ua fautuaina e le Komiti. O sa'o? E iai nisi faiga?
- O a tonu faiga e te lagolagoina pe teena, ma e aisea?
- E faapefea na tou aafia ai i suiga nei?
- E iai se isi manatu ese e tatau i le Komiti na iloilo?

Auala e tuuina mai ai manatu

E mafai na maua i le:

- [itulau](#) lea nisi faamatalaga e patino i le talatalaga

- [itulau](#) lea manatu faaalua na tuuina atu i le Komiti mai suesuega na fai, faapea faamatalaga auiliili o le talatalaga
- [suesuega](#) lea avanoa e tuuina mai ai tali ma/po o manatu

E lē moomia na tali uma fesili po o le faitau vaega uma o le faamaumauga. E fua lava e oe le vaega e talafeagai e fia faaali i ai se manatu, po o isi faaletonu o e iloa e sili atu na taua.

Laasaga i tua atu

E faagasolo iloiloga o manatu faaalua pe a tapunia talatalaga i le aso 6 Aokuso, ma e iloilo faatasi ma suesuega, faataitaiga, auiliiliga ma fautuaga mai matagaluega a le malo. E faaoga faamatalaga uma nei e fua i ai fautuaga aloaia e tuuina atu i le malo i le faaiuga o le tausaga nei. E faagaioia e le malo faaiuga i soo se suiga i le faiga faavae mo fesoasoani tupe.

O le faamoemoe maua le saunia o fautuaga e talafeagai na faataunuu e maua ai le tele o faamanuiaga mai Aoga Amata – mo tamaiti, aiga, lotoifale patino ma le atunuu atoa.

E talia ma le faafetai manatu faaalua mai le mamalu o le atunuu.

Tatala le [itulau](#) lea, mo nisi faamatalaga patino i le Komiti ma tiute tauave.

Imeli mai faafesili i le ECE.fundingreview@education.govt.nz